



Presentada in Lìngua Sarda

S'Ufitziu de Lìngua Sarda impari a sa
Biblioteca Comunali presentant:

Unu pipiu malu e àterus contus

de Natascia Muscas e Alessandro Garau

Presentat Luca Cadeddu

e

Moderat Maria Elena Mallei

Cenàbara 8 de su mesi de Austu a is oras 19

Domu Pittau, Bia Cagliari 15, Samassi





Su Lìbburu: In ispiàgia unu pipiu iat a bolli giogai trancuillu po contu suu ma ndi ddoi at un'àteru, prus matucheddu, chi cumentzat a ddu trumentai e a ddi fai un'iaxi de dispetus. Cumenti at a finiri?

E cali est su segretu cosa sua?

Dexi contus orrorosus e fantàsticus, dexi istórias de féminas e óminis, piciocheddas e piciocheddus, chi si movint in una Sardínnia istrambeca e bivint aintru de una realidadi chi, mancai siat sa chi conosceus e s'agataus ananti de ogus dónnia dí, s'ammesturat a pari cun is prus bisus malus, e abarrat sèmpiri faendi a egaseogas in làcanas pagu seguras, aundi su beni ispàciat e su mali cumentzat.

Is Autoris: NATASCIA MUSCAS & ALESSANDRO GARAU funt 17 annus cojaus, ma funt impari de prus de 25. Bivint in Gúspini. Tenint unu blog NAlife - <https://nalife.altervista.org> aundi iscriint artículus chi pertocant escursionis, situs archeológicus, líbburus e àteras cosas. De s'acabbu de su 2020 partézipant a unus cantu cursus de Sardu, e cumentzant a iscriri fintzas in custa língua.

In su 2021 otenint sa Certificatzioni Naramí e in su 2022 sa Certificatzioni C1 de Língua Sarda. Sèmpiri in su 2022, is contus insoru S'Àteru e S'Antigu, chi s'agatant fintzas aintru de custu líbburu, ddus ant premiaus a duus de is prus cuncursus famaus de literadura sarda, su "Paulicu Mossa" de Bonorva (II Prémium) e su "Prémium de Otieri" (II Prémium).

Àterus contus cosa insoru ddus ant premiaus a su cuncursu "Traballu e Tzitadinàntzia" (Su collóchiu - III Prémium, ed. 2022) in Terranoa, a su "Anselmo Spiga" (Dèu e s'amigu miu - II Prémium, ed. 2023) in Santu Sparau, e torra a su "Prémium de Otieri" (Àcua trulla - I Prémium, ed. 2023).



Làmpadas cun s'autori